



Tužilaštvo - Tužiteljstvo Bosne i Hercegovine
Тужилаштво Босне и Херцеговине

A-43/23

27.02.2023. godine

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci usluge servisiranja i održavanja službenih vozila Tužilaštva-Tužiteljstva BiH, marke Jeep–LOT 1, dodjeluje se ponuđaču Autodelta d.o.o. Sarajevo.

Član 2.
(Kriterij za dodjelu ugovora)

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

Član 3.
(Stupanje na snagu)

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-43/23 od 27.01.2023. godine. Javna nabavka je provedena putem otvorenog postupka. Procijenjena vrijednost nabavke za LOT 1 je 25.641,03 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-1-2-12-3-2/23 od 27.01.2023. godine. Obavještenje o nabavci je objavljeno u Službenom glasniku BiH broj: 7 od 03.02.2023.godine. Do krajnjeg roka za dostavu ponuda, na protokol Tužilaštva – Tužiteljstva BiH zaprimljene

su dvije uredno zapečaćene i neotvorene ponude: ponuđača Automerc Škoro d.o.o. P.J. Sarajevo i ponuđača Autodelta d.o.o. Sarajevo .

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2023. godinu, broj: A-438/22 od 01.12.2022. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponude ponuđača Automerc Škoro d.o.o. P.J. Sarajevo i ponuđača Autodelta d.o.o. Sarajevo, zadovoljavaju uslove tenderske dokumentacije i tehničke specifikacije, te se dostavljene ponude smatraju prihvatljivim. Prvobitno ponuđene cijene ponuđača su iznosile: Automerc Škoro d.o.o. P.J. Sarajevo 25.630,00KM bez PDV-a, Autodelta d.o.o. Sarajevo 9.877,50KM bez PDV-a.

Komisija je utvrdila da je ponuda ponuđača Autodelta d.o.o. Sarajevo neprirodno niska u odnosu na drugu dostavljenu ponudu, te je dana 20.02.2023. godine, ponuđaču uputila Zahtjev za pojašnjenje neprirodno niske cijene. Nakon zaprimljenog pojašnjenja od dana 21.02.2023. godine, Komisija je razmatrala dostavljeno Pojašnjenje i isto prihvatila u skladu sa članom 66. stav 2. tačka a) ZJN-a.

Tenderskom dokumentacijom je predviđena e-aukcija, koja je i održana dana 27.02.2023. godine. Nakon e-aukcije, konstatovano je da nije bilo podnošenja novih ponuda, te je kao najpovoljnija ponuda ocijenjena ponuda ponuđača Autodelta d.o.o. Sarajevo.

Shodno navedenom, članovi Komisije su uputili preporuku glavnom tužiocu Tužilaštva – Tužiteljstva Bosne i Hercegovine za donošenje odluke o dodjeli okvirnog sporazuma za LOT 1 ponuđaču Autodelta d.o.o. Sarajevo.

Uzimajući u obzir navedeno, odlučeno je kao u dispozitivu odluke.

Pouka o pravnom lijeku:

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



**GLAVNI TUŽILAC
TUŽILAŠTVA – TUŽITELJSTVA BIH**

Milanko Kajganić

Dostavljeno:

- Ponuđačima;
- Odjelu za mat.-fin. poslove.



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-43/23

Datum: 27.02.2023. godine

Na osnovu člana 65. Zakona o javnim nabavkama BiH („Službeni glasnik BiH“, broj: 39/14, 59/22), člana 18. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15), Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2023. godinu, broj: A-438/22 od 01.12.2022. godine, Komisija za provođenje postupaka javnih nabavki Tužilaštva-Tužiteljstva BiH za 2023. godinu je sačinila:

ZAPISNIK O PREGLEDU I OCJENI PONUDA
I IZVJEŠTAJ O RADU KOMISIJE

1. Naziv i sjedište ugovornog organa

Tužilaštvo-Tužiteljstvo BiH, Kraljice Jelene broj 88, 71000 Sarajevo

2. Predmet nabavke

Nabavka usluga servisiranja i održavanja službenih vozila Tužilaštva – Tužiteljstva BiH – LOT 1 (službena vozila marke Jeep)

3. Vrsta postupka javne nabavke

Otvoreni postupak

4. Procijenjena vrijednost nabavke

25.641,03 KM bez uključenog PDV-a

5. Broj obavještenja sa portala javnih nabavki

435-1-2-12-3-2/23 od 27.01.2023. godine

6. U predmetnom postupku članovi Komisije sa pravom glasa su:

- Emil Pinkas – predsjedavajući
 - Ljiljana Telebak - član Komisije
 - Milan Radović – član Komisije
 - Bojan Simović – član Komisije
- U predmetnom postupku sekretar Komisije je Amila Ćukle.

7. Datum početka pregleda i ocjene ponuda:

20.02.2023. godine

8. Naziv i sjedište svih ponuđača, prema redoslijedu zaprimanja ponuda:

Broj protokola ugovornog organa	Redni broj omotnice ponude	Naziv ponuđača	Omotnica sa ponudom ispravno zatvorena (zapečaćena ili potpisana da/ne)	Ukupna cijena ponude bez PDV/KM	Ponuđeni popust	Ukupna cijena ponude sa PDV-om i uključenim popustom/KM
Ro 7/23	1	Automerc Škoro d.o.o. P.J. Sarajevo	Da	25.630,00	/	29.987,10
Ro 11/23	2	Autodelta d.o.o. Sarajevo	Da	9.877,50	/	11.556,70

9. Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda

Oblik ponude	Ponuđač	
	Automerc Škoro d.o.o. P.J. Sarajevo	Autodelta d.o.o. Sarajevo
Pravilno uvezana	Da	Da
Otisnuta/pisana neizbrisivom tintom	Da	Da
Jezik ponude: bosanski/hrvatski/srpski	Da	Da
Pravilno označene stranice	Da	Da
Prihvatljiv oblik ponude	Da	Da
Sadržaj i potpunost ponude		
Sadržaj (popis dostavljenih dokumenata)	Da	Da
Popunjen obrazac za ponudu	Da	Da
Popunjen obrazac za cijenu ponude	Da	Da
Ponuda kompletna	Da	Da

10. Analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača

Traženi dokumenti	Dostavljeni dokumenti (Da/Ne)	
	Ponuđač	
	Automerc Škoro d.o.o. P.J. Sarajevo	Autodelta d.o.o. Sarajevo
Izjava o ispunjavanju uslova po članu 45. Zakona (lična sposobnost)	Da	Da
Dokaz o ispunjavanju uslova iz člana 46. Zakona	Da	Da
Izjava po članu 52. Zakona (sukob interesa)	Da	Da
Izjava ponuđača o tehničkoj opremljenosti	Da	Da
Dostavljen spisak povjerljivih informacija	Da	Da
Nacrt okvirnog sporazuma (potpisan i ovjeren)	Da	Da
Cjenovnik rezervnih dijelova na CD-u	Da	Da
Ponuda kompletna	Da	Da

11. Analiza ponuda vezano uz ispunjavanje zahtjeva u pogledu opisa predmeta nabavke i tehničkih specifikacija

Ponude ponuđača Automerc Škoro d.o.o. P.J. Sarajevo i Autodelta d.o.o. Sarajevo zadovoljavaju uslove tražene TD, te se dostavljene ponude smatraju prihvatljivim.

Pojašnjenje neprirodno niske cijene:

Komisija je utvrdila da je ponuda ponuđača Autodelta d.o.o. Sarajevo neprirodno niska u odnosu na drugu dostavljenu ponudu, te je dana 20.02.2023. godine, ponuđaču uputila Zahtjev za pojašnjenje neprirodno niske cijene. Nakon zaprimljenog pojašnjenja od dana 21.02.2023. godine, Komisija je razmatrala dostavljeno Pojašnjenje i isto prihvatila u skladu sa članom 66. stav 2. tačka a) ZJN-a. (Zahtjev i Pojašnjenje su u prilogu ovog Zapisnika)

12. Analiza prihvatljivih ponuda prema kriteriju za izbor ponude prije provođenja e-aukcije

Kriterij za dodjelu ugovora je najniža cijena tehnički zadovoljavajuće ponude.

R. br.	Naziv/ime ponuđača	Ukupna ponuđena cijena bez PDV-a/KM	Ponuđeni popust	Ukupna ponuđena cijena sa popustom i PDV-om/KM
1	Automerc Škoro d.o.o. P.J. Sarajevo	25.630,00	/	29.987,10
2	Autodelta d.o.o. P.J. Sarajevo	9.877,50	/	11.556,70

13. Rangiranje ponuda prema kriteriju za izbor ponude nakon provođenja e-aukcije:

E-aukcija je u ovom postupku provedena dana 27.02.2023. godine. Nakon provedene e-aukcije ponude ponuđača su se rangirale na sljedeći način:

R. br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	Autodelta d.o.o. Sarajevo	4200381790006	9.877,50	0%	1
2	Automerc Škoro d.o.o. P.J. Sarajevo	4236055200007	25.630,00	0%	2

13. Naziv ponuđača sa kojim ugovorni organ namjerava zaključiti okvirni sporazum i razlozi za njegov odabir:

Komisija je konstatovala da na e-aukciji nije bilo podnošenja novih cijena, te je kao najpovoljnija ocijenjena ponuda ponuđača Autodelta d.o.o. Sarajevo.

14. Prijedlog odgovornoj osobi ugovornog organa

Komisija predlaže rukovodiocu ugovornog organa da donese odluku o dodjeli okvirnog sporazuma za LOT 1 ponuđaču Autodelta d.o.o. Sarajevo, čija ponuda ispunjava uslove za nabavku predmetne usluge.

15. Datum završetka pregleda i ocjene ponuda

27.02.2023. godine

Sekretar Komisije



Amila Ćukle


Predsjedavajući Komisije



Emil Pinkas

Članovi Komisije

Ljiljana Telebak – član Komisije



Milan Radović – član Komisije -



Bojan Simović – član Komisije -





Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-43/23
Sarajevo, 20.02.2023. godine

Autodelta d.o.o. Sarajevo
Bolnička do br. 11
71 000 Sarajevo
E-mail: info@autodelta.ba

Predmet: Zahtjev za pojašnjenje neprirodno niske ponuđene cijene – LOT 1

Veza: Otvoreni postupak nabavke usluga servisiranja i održavanja službenih vozila Tužilaštva – Tužiteljstva Bosne i Hercegovine (LOT 1)

Poštovani/a,

U skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14, 59/22) i tačkom 7.6 Tenderske dokumentacije broj A-43/23 od 27.01.2023. godine, ugovorni organ obavezno od ponuđača traži objašnjenje cijene koju smatra neprirodno niskom ako su ispunjeni sljedeći uslovi:

- a) cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili
- b) cijena ponude je za više od 20% niža od cijene drugorangirane prihvatljive ponude.

Članom 66. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22) određeno je na šta se objašnjenja neprirodno niske cijene mogu odnositi:

- a) ekonomičnost proizvodnog procesa, pruženih usluga ili građevinske metode;
- b) izabrana tehnička rješenja i/ili izuzetno pogodne uslove koje ponuđač ima za dostavu robe ili usluga ili za izvođenje radova;
- c) originalnost robe, usluga ili radova koje je ponuđač ponudio;
- d) usklađenost sa važećim odredbama koje se odnose na radnu zaštitu i uslove rada na mjestu gdje se isporučuje roba, pruža usluga ili izvodi rad;
- e) mogućnost da ponuđač prima državnu pomoć.

S obzirom na navedeno, potrebno je da detaljno obrazložite cijenu ponuđenu u postupku predmetne nabavke, za LOT 1 – usluge servisiranja i održavanja službenih vozila – marke Jeep.

Zahtijevano pojašnjenje dostavite najkasnije do 21.02.2023. godine do 13:00 sati, lično, putem pošte na adresu: Kraljice Jelene 88, 71 000 Sarajevo, putem e-maila: amila.cukle@tuzilastvobih.gov.ba ili putem faxesa na tel: 033 707 463.

Ukoliko ponuđač do navedenog roka ne dostavi traženi odgovor ili odgovor ponuđača nije u skladu sa članom 66. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22), ponuda istog se neće smatrati prihvatljivom odnosno ugovorni organ će odbaciti ponudu.

S poštovanjem,

Sekretar Komisije


Amila Čukle

Dostavljeno:

- Naslovu,
- a/a.

AUTODELTA d.o.o.Sarajevo

Bolnička do br.11,Sarajevo,Bosna i Hercegovina

Telefon:033/209-222,Fax:033/223-535;e-mail:info@autodelta.ba

ID broj:4200381790006; PDV broj:200381790006

Broj:15/AM/2023-1/1

Sarajevo,21.02 2023 godine

Tužilaštvo-Tužiteljstvo Bosne i Hercegovine

Kraljice Jelene br.88,71000 Sarajevo

PREDMET:Pojašnjenje neprirodno niske cijene ponude za LOT-1

Poštovani,

Dana 20.02.2023 godine ,putem e-maila dobili smo Vaš Zahtjev za pojašnjenje neprirodno niske cijene ponude za LOT-1 –usluge servisiranja i održavanja službenih vozila marke JEEP.

Shodno tome,a u skladu sa čl.66 Zakona o javnim nabavkama ,ovim putem dajemo pojašnjenje neprirodno niske cijene naše ponude broj:15/AM/2023-1 od 16.02 2023 godine za LOT-1 –usluge servisiranja i održavanja službenih vozila marke JEEP.

Kao prvo,mi u potpunosti garantujemo da će se usluge iz Obrazca za cijenu ponude-usluge za LOT-1 izvršavati po ponuđenoj cijeni,kao i kvalitetu pružene usluge po cijenama navedenim u našoj ponudi.U kreiranju naše ponude uzeli smo u obzir sve elemente koji su potrebni da bi se formirala cijena koja može biti konkurentna na tržištu,a u isto vrijeme finansijski prihvatljiva ,kako za dobavljača,tako i za ponuđača.Cijena naše ponude garantuje kvalitet pružene usluge,a u isto vrijeme zadovoljava i procjenjenu vrijednost nabavke koju je dao Ugovorni organ.

Ugovorni organ je TD u Obrazcu za cijenu ponude-usluge za LOT-1 ,tražio cijenu n/s i procjenjeni max.broj sati rada za određenu uslugu servisiranja u tabelama od a) do e),rednim brojem od 1. do 35.

Naša cijena n/s ,u konkretnoj ponudi,iznosi 30,00 KM bez PDV-a,što iznosi 35,10 KM sa PDV-om,za automehaničarske,limarsko-lakirerske i autoelektričarske usluge.

U našoj ponudi cijena usluge servisa zamjene ulja i svih filtera(r.b 1.do 5.) iznosi 37,50 KM bez PDV-a .

Cijena usluge velikog servisa(r.b 7.) iznosi 300,00 KM bez PDV-a,kao i cijena usluge zamjene seta kvačila (r.b.12.),također iznosi 300,00 KM bez PDV-a.Cijena usluge zamjene diskova ,amortizera, ležajeva točka i sl. Iznose 60,00 KM bez PDV-a,dok manji zahvati poput zamjene disk pločica ,zamjene kugli ,krajnica,spona i sl.iznose 30,00 KM bez PDV-a.

Sve navedene cijene se odnose na uslugu zamjene i ugradnje navedenih rezervnih dijelova.

Cijena n/s od 30,00 KM bez PDV-a je realna na našem tržištu,i mi je prilagođavamo shodno prilikama,našim potrebama i potrebama tržišta.

Imamo na raspolaganju kvalitetno obučeni radni kadar, sa dugogodišnjim radnim iskustvom na poslovima servisiranja i održavanja vozila, koji je u stanju brzo i kvalitetno pružiti uslugu po cijeni navedenoj u našoj ponudi. Tim koji čine VKV i KV automehaničari, autoelektričari, limari i autolakireri, kao i naša logistika i rukovodioci, u stanju su da odgovore svakom postavljenoj zadatku i da pruže brzu i kvalitetnu uslugu servisiranja i održavanja vozila bilo koje marke ili tipa.

Raspoložemo modernim servisom i radionicom u kojem se istovremeno može servisirati minimalno 5 (pet) vozila, također imamo na raspolaganju najmoderniju opremu, dijagnostički uređaj, automehaničarski i druge specijalne alate potrebne za brzo i kvalitetno pružanje usluge servisiranja i održavanja vozila.

Finansijski smo stabilna firma, koja sve svoje obaveze prema državi i dobavljačima izvršava na vrijeme, te nemamo bilo kakvih finansijskih opterećenja koja mogu uticati na naše poslovanje.

Naša cijena ponude sadrži sve što je traženo TD i obrazcem za cijenu ponude – usluge, ali je jeftinija iz razloga što smo tehnički i kadrovski opremljeni i osposobljeni da brzo i kvalitetno izvršavamo navedene poslove, kao i to što tržište diktira takve uslove, tj. da je jedini način opstanka na tržištu ponuditi jeftinu, brzu i kvalitetnu uslugu.

Pošto u proteklom periodu imamo pozitivno iskustvo sa Ugovornim organom, u realizaciji servisiranja vozila (VW i Škoda), cilj nam je da tu saradnju obnovimo i proširimo na ostala vozila kojima raspolaže Ugovorni organ, kao i obezbijediti posao za naše zaposlenike, te zadržati postojeća radna mjesta i po mogućnosti otvoriti i nova.

Na kraju moramo napomenuti da se u obzir mora uzeti i to što je u ovom postupku javne nabavke, Ugovorni organ planirao provedbu e-aukcije, te se u takvim slučajevima mnogi ponuđači odluče za puno veće cijene od onih koje su realne na tržištu, jer postoji mogućnost korigovanja istih u postupku e-aukcije. Iz tog razloga nekad se stvori disbalans sa ponuđačima koji svoje ponude postavljaju u realne okvire tržišta.

Još jednom napominjemo da mi stojimo iza svoje ponude, te garantujemo da će sve što je navedeno u njoj biti izvršeno po ponuđenim cijenama.

Nadamo se da će te naše obrazloženje prihvatiti i uvažiti.

S poštovanjem



Amira Alić